



SALA STAMPA DELLA SANTA SEDE **BOLLETTINO**

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHL
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 230601c

Thursday 01.06.2023

Mission and Letter of the Holy Father to the special envoy to the celebration of the 140th anniversary of the evangelization of the Congo (Brazzaville, 4 June 2023)

His Eminence Cardinal Michael Czerny, S.J., prefect of the Dicastery for Promoting Integral Human Development, appointed special envoy to the celebration of the 140th anniversary of the evangelization of the Congo on 29 May 2023, will be accompanied by a mission composed of the following ecclesiastics:

1. The Reverend Antonio Mabiala, of the clergy of the archdiocese of Pointe Noire, secretary general of the *Association des Conférences épiscopales de la région d'Afrique central* (ACERAC);
2. The Reverend Barthel Ganao, of the clergy of Gamboma, rector of the Cardinal Emile Biayenda National Seminary of Brazzaville.

The following is the Holy Father's Letter to His Eminence Cardinal Michael Czerny, S.J.:

Letter of the Holy Father

Venerabili Fratri Nostro

Michaëli S.R.E. Card. CZERNY, S.I.

Dicasterii pro Integra Humana Progressione fovenda Praefecto

Qui filii Dei nominari possumus, pacis opera exercere est nostri atque Domini nostri, auctoris pacis et amatoris caritatis, Evangelium propagare, ut verbo et exemplo vitae populi semper proficiant ad salutem, iugiter fulgens in Ecclesia ubertate virtutum (cfr *Coll. Miss. B.M.V.*, 34: *Regina Apostolorum*, super obl. et post comm.). Qua in Iesu sustentati fide tantoque misericordiae innisi consilio, in universae Ecclesiae necessitatum studium incumbentes, potissimum laetamur de CXL anniversario ab incepta sub Decessoris Nostri beatæ memoriae

Leonis Pp XIII Pontificatu evangelizatione Congi, multorum Evangelii praeconum suffulta intrepido labore et caritate in Christum Salvatorem gentibus annuntiando.

Tantum ergo recolentes occasionem, ut inter sollemnia perfrui possent christifideles praesentia ac verbo alicuius Eminentissimi Viri, qui Nostras vices ibi gerat atque erga istum concursum dilectissimum dilectionem Nostram manifestet, Venerabilis Frater Benvenuti Manamika Bafouakouahou, Archiepiscopi Brazzapolitani et Conferentiae Episcopalis Congi Praesidis, humanissimae petitioni concedentes, ad Te, Venerabilis Frater Noster, mentem Nostram vertimus, qui cotidiano in Nostro ministerio exercendo fraternum Nobis praestas auxilium ac praecipua Afrorum populorum comperis rerum adiuncta, necessitates ac spes, ut hodie peraptus videaris ad hanc legationem obeundam. Idcirco, hisce Litteris Te Missum Extraordinarium Nostrum nominamus ad sollemnia, quae proximo die IV mensis Iunii Brazzapolitani agentur, exeunte CXL anno iubilari Evangelizationis Congi.

Libenter tibi potestatem facimus, dum celebrationibus praesidebis, illum coetum, publicas auctoritates atque universos christifideles Nostro nomine salutandi ac benedicendi, quos cohorteris, ut, beatissima Virgine Maria Regina Africae, spe credentium et fidei praesidio, maternam suam caritatem dispensante, corda fidelium, Christo semper intimius adhaerendo, ab Eiusdem praeceptis trahere valeant virtutem, ex qua optata beneficia pacis, concordiae et profectus omnia manant. Simul, insuper, gravissimum Nostrum ministerium Petrinum precibus committimus universo coetui ibi congregato.

Dum tibi, Venerabilis Frater Noster, Benedictionem impertimur omnibus, qui celebrationi intererunt, transmittendam, legationem tuam ardentibus precibus comitamur, a Deo misericordiae suppliciter obsecrantes, ut hic conventus fidelium, hanc laetitiae occasionem affectu sedulo celebrans, quod recordatione percurrit semper teneat in opere.

Datum Romae, Laterani, die XXX mensis Maii, anno Domini MMXXIII, Pontificatus Nostri undecimo.

FRANCISCUS
